

彰德府志



No. 6 卷 4
No. 7 卷 5

章德府志目錄

卷首

上諭

聖製

舊序

銜名

凡例

圖說

卷一

天文

地理

卷二

山川

卷三

建置

卷四

古蹟

卷五

學校

書院

義學附

卷六

職官

考表

卷七

官蹟

卷八

官蹟

卷九

選舉

科第

薦辟

貢舉

武勳

封爵

卷十

武備

卷十一

田賦

地畝
起運
墾荒
驛站

科則
存留
耗羨
雜稅

正賦
雜貢
鹽引

人丁
漕糧

戶口
宗祿

卷十二

風土

風俗
物產

卷十三

人物

名臣

卷十四

人物

庶官

卷十五

人物

忠烈

卷十六

人物

孝友

卷十七

人物

儒林
文苑
行誼

卷十八

人物
義行
隱逸
技藝
流寓

卷十九

列女
賢母
賢婦
孝女
孝婦
烈女
烈婦
義女
義婦
完節
完婦

卷二十

完節
貞壽
貞女

列女

卷二十一

寺觀
仙釋附

卷二十二

藝文
制誥
奏疏
書啟

卷二十三

藝文

序 跋

卷二十四

藝文

碑記

卷二十五

藝文

碑記

卷二十六

藝文

碑記

卷二十七

藝文

論 贊 銘 議 考 說 傳
雜著 誌

卷二十八

藝文

詩

卷二十九

藝文

詩

卷三十

藝文

賦

卷三十一

禮祥

卷三十二

雜記

雜行

拾遺

雜錄

彰德府志卷二十八

藝文

歌謠

黃澤謠

周

穆天子

黃之隴其馬歎沙皇人威儀黃之澤其馬歎玉皇人壽穀

鄴民謠

鄴有聖令時爲吏公決漳水灌鄴旁終古斥鹵生稻粱

輿人歌

漢

我有枳棘岑君伐之我有蝨賊岑君遏之狗吠不驚足下
生鼇含哺鼓腹焉知鹵災我嘉我生獨丁斯時美哉岑君
於戲在茲

黎陽作二首

魏文帝

朝發鄴城夕宿韓陵霖雨載塗輿人困窮載馳載驅沐雨
漚風舍我高殿何爲泥中在昔周武爰暨公旦載主而征
民塗炭彼此一時唯天所讚我獨何人敢不靖亂
殷殷其雷濛濛其雨我車我徒涉此艱阻遙彼涇渭言刈
其楚班之中路塗潦是御麟麟大車載低載昂嗷嗷僕夫
載仆載僵蒙塗冒雨沾衣濡裳

黃初謠

魏文帝

青槐夾道多塵埃龍樓鳳閣望崔嵬清風細雨雜香來土
山金火照臺

贈士孫文始

魏王粲

天降喪亂靡國不夷我暨我友自彼京師旁守邊陲越用
道違遷於荆楚在漳之滑在漳之滑亦克晏處和通麓墳
比德車輔旣度禮儀卒獲笑語庶茲永日無訾厥緒雖曰
無訾時不無已同心離事乃有逝止橫此大江淹彼南汜
我思弗及載坐載起惟彼南汜君子居之悠悠我心薄言
慕之人亦有言靡日不思矧伊嫵婉胡不懷而晨風夕逝
託與之期瞻仰王室慨其永歎良人在外誰伍天官四國
方阻俾爾歸蕃爾之歸蕃作式下國無曰蠻裔不虔汝德
慎爾所之率由嘉則龍雖勿用志亦靡或悠悠澹澹鬱彼
唐林雖則同域邈其廻深白駒遠志古人所箴先矣君子
不遐厥心旣往旣來無密爾音

朔風詩

魏曹植

仰彼朔風用懷魏都願聘代馬儵忽北徂凱風永至思彼
蠻方願隨越鳥翻飛南翔四氣代謝懸景運周別如俯仰
脫若三秋昔我初遷朱華未希今我旋止素雪云飛俯降
千仞仰登天阻風飄蓬飛載離寒暑千仞易陟天阻可越
昔我同胞今乖別子孫芳草豈忘爾貽繁華將茂秋霜
暮之君不垂眷豈云其誠秋蘭可喻桂樹冬榮絃歌蕩思
誰與消憂臨州暮思何爲汎舟豈無和樂遊非我鄰誰忘
汎舟愧無榜人

古鄴城童子謠

唐李賀

城中暮烟起探黑丸斫文史棘爲鞭虎爲馬團團走鄴

城下切玉劒射日弓獻何人奉相公扶轂來關右兒香搗
塗相公歸

漳河弔古四首

明張季彥

漳之隈臺崔嵬洞門啟平旦開人流水車犇雷選茂異登
瑋瑰厠山涓走鄒枚白登技七步才馳玉輦登金壘我來
斯土一堆黃沙沸白日埋鼃鼃窟鳥雀哀漳之隈安在哉
漳之潯快登臨昕炊玉暮饌金啟皓齒漱清音流纖指發
素琴態娥娥聲淫淫大喬裾小喬襟雲紉佩霞爲袞指明
月結同心令我來大陸陰水何淺沙何深漳之潯何處尋
漳之旁望許昌金爲棟玳爲梁綴火齊懸夜光走諸侯探
殊方千斯倉萬斯箱帝無袞后無裳富周公樂未央隋洛

口秦敖倉德則王暴則亡分香履曷相將漳之旁亦何常
漳之治竊神器王不王帝不帝我誰欺天命俟百年身干
年計作疑塚七十二生無天死無地亮也龍瞞也魅大丈
夫生死寄青天心白日事枉西風揮灑涕漳之治幾興廢
國朝

銅雀臺送陳竹居歸臨漳

王士真

銅雀臺濁漳路臺下悠悠漳水流西陵月照空煙樹居家
門對濁漳濱曾向漳流賦感甄今日相思那可道年年芳
草鄴城春

詩五言古

銅雀園詩

魏文帝

朝遊高臺觀夕晏華池陰大會奉甘醪狩人獻嘉禽齊倡
發東舞秦箏奏西音有客從南來爲我彈清琴五音紛繁
會拊者激微吟滛魚乘波聽踊躍自浮沉飛鳥翻翔舞悲
鳴集北林樂極哀情來寥亮摧肝心清角豈不妙德薄所
不任大哉子野言弭弦且自禁

西園芙蓉池

魏文帝

乘輦夜行遊逍遙步西園雙渠相灌溉嘉禾遶通川卑枝
拂雨蓋修條摩蒼天驚風扶輪轂飛鳥翔我前丹霞夾明
月華星出雲間上天垂光彩五色一何鮮壽命非松喬誰
能得神仙遨遊快心意保已終百年

西園公讌

魏曹植

公子敬愛客終宴不知疲清夜遊西園飛蓋相追隨明月
澄清影列宿正參差秋蘭被長坂朱華冒綠池潛魚躍清
波好鳥鳴高枝神飈接丹轂輕輦隨風移颺颺放志意千
秋長若斯

西園公讌

魏
劉楨

永日行遊戲歡樂猶未央遺思在元夜相與復翱翔輦車
飛素蓋從者盈路旁月出照園中珍木鬱蒼蒼清川過石
渠流波爲魚防芙蓉散其華菡萏溢金塘靈鳥宿水濱仁
獸遊飛梁華館寄流波豁達來風涼生平未始聞歌之安
能詳投翰長歎息綺麗不可忘

贈五官中郎將

魏
劉楨

昔我從元后整駕至南鄉過彼豐沛都與君共艸翔四節
相推斥季冬風且涼衆賓會廣坐明鐙燐炎光清歌製妙
聲萬舞在中堂金罍含甘醴羽觴行無方長夜忘歸來聊
且爲大康四牡向路馳歡悅誠未央

余嬰沉痾疾竄身清漳濱自夏涉元冬彌曠十日旬常恐
游岱宗不復見故人所親一何篤步趾慰我身清談同日
夕情盼叙憂勤便復爲別辭遊車歸西隣素葉隨風起廣
路揚埃塵逝者如流水哀此遂離分追問何時會要我以
陽春望慕結不解貽爾新詩文勉哉修令德北面自寵珍
秋日多悲懷感慨以長歎終夜不遑寐叙意於濡翰明鐙
曜閨中清風淒已寒白露塗前庭應門重其關四節相推